

81007
3312к



Алаш тұрасы

МӘШІНҮР-ЖҰСІП

КӨПЕЙҰЛЫ



6



СТОЛЯРНИЧЕСТВО
СУМБАКУЛЛИЯ АННЕСОНСА
АСИЛУПАЛА
СОУДИЛСТВО ВАЛЕНКАВАЕ ОСТАФФЕ
КОНТОВАЕ Р
ИПРЕПИАВААС КУНДА
6

ҚАЗАҚСТАН РЕСПУБЛИКАСЫ
МӘДЕНИЕТ ЖӘНЕ АҚПАРАТ
МИНИСТРЛІГІ

МӘШІҮР-ЖҰСІП --- КӨПЕЙҰЛЫ

КӨП ТОМДЫҚ
ШЫҒАРМАЛАР ЖИНАФЫ

С.ТОРАЙФЫРОВ АТЫНДАҒЫ ПАВЛОДАР
МЕМЛЕКЕТТІК УНИВЕРСИТЕТІ
МӘШІҮРТАНУ
ҒЫЛЫМИ-ПРАКТИКАЛЫҚ ОРТАЛЫҚ



Алаш мұрасы

(881-516-1802)
М.Күнгізов, Е.Дамдағы, Г.Карасаев
М.Ханжанов, С.Кириллов, Е.Назарбаев
М.Маметов, А.Сабиров, А.Салтыков

Легенда национальных языков Казахстана:
М.К.Күнгізов (К.М.Күнгізов), Е.Дамдағы (Е.Дамдағы), Г.Карасаев (Г.Карасаев),
М.Ханжанов (М.Ханжанов), С.Кириллов (С.Кириллов), А.Сабиров (А.Сабиров),
А.Салтыков (А.Салтыков), А.Салтыков (А.Салтыков), А.Салтыков (А.Салтыков),
А.Салтыков (А.Салтыков), А.Салтыков (А.Салтыков), А.Салтыков (А.Салтыков)

МӘШІҮР-ЖҰСІП

КӨПЕЙҰЛЫ

6

Қазақ фольклоры,
ауыз әдебиеті үлгілері



АЛМАТЫ “АЛАШ” 2006

АЛАШ ПУБЛИКАЦИЯ НА КАЗАХСТАНСКОМ ЯЗЫКЕ
ОДИНЧИЛДАЛЫ ЖАҢЫМЫЗДАКА ЖАГАУЫТ

ХІРСАУ

ББК 82,3+84(5Каз)

М.37

«Алаш мұрасы» сериясының редакциялық алқасы:

М.Құл-Мұхаммед, Е.Ертісбаев, Н.Нұргазин, Г.Әннес, С.Қасқабасов, М.Койгелдиев, С.Қирабаев, К.Нұрпейіс, Р.Нұргалиев, Д.Әшімханұлы

М.Ж.Көпейұлы көп томдық шығармаларының редакция алқасы:

Арын Е.М., Құсайынов А., Мәшһүр-Жұсіп К.П. (жауапты редактор), Әбусеітова М.Қ., Негимов С., Дауітов С., Қамзабекұлы Д., Тұрышев А., Жұсіпов Н.Қ., Жұсіпов Е.Қ.

Рецензенттер:

А.С.Еспенбетов – М.Әуезов атындағы Семей университеті ректоры, фил.ғыл.докторы, профессор; Д.Ыскакұлы – фил.ғыл.докторы, профессор.

Жинақты араб жазуынан аударып, ғылыми түсініктер беріп, құрастырып, баспаға әзірлеген – Нартай Куандықұты Жұсіпов, фил. ғыл. кандидаты, профессор.

Көпейұлы М.Ж.

К 37 Көп томдық шығармалар жинағы. Қазақ фольклоры, ауыз әдебиет үлгілері. – Алматы, «Алаш», 6 том. 2006. – бет .

ISBN 9965-669-74-0

Кітап бұған дейін КР Білім және ғылым министрлігі С.Торайғыров атындағы Павлодар мемлекеттік университеті, Мәшһүртану ғылыми-практикалық орталығы әзірлеуімен шықкан Мәшһүр Жұсіп шығармалары 6-томы (Павлодар, ЭКО, 2005 ж.) бойынша әзірленді. Бұл томда Мәшһүр- Жұсіптің қағазға түсіруімен сакталған қазақ фольклоры үлгілері, атап айтқанда: ертегілер, аныз әңгімелер, шешендік өрнектері, акындар айтысы толтастырылған.

Бұл кітапта және бұған дейінгі 5-томда алғашкы басыльмының 5,6- томдарындағы мәтіндердің сибей қалтани, яғни баспа мүмкіндігіне сай қыскартылғандары кітап соңындағы түсініктер белімінде көрсетіліп, ол нұскалардың кейін жариялануы жоспарланып отыр.

ББК Каз 82,3+84(5Каз)

к 4702250205
00(05)-06

ISBN 9965-669-74-0

© Көпейұлы Мәшһүр-Жұсіп, 2006
© «Алаш» баспасы, 2006

I. ЕРТЕГІЛЕР

Шыншыл мен суайт

Бір шыншыл мен бір суайт жүретұғын жолы бірге болғандыктан, жорықтас болып жол жүріп келе жатып көрген әңгімесі. Шыншыл қайда барса, сөзінің шындығы тәрге отырығызып, ішпегенін ішкізіп, жемегенін жегізіп, ел көзіне сүйікті көрсетеді еken де, ілгері баеа береді еken. Суайт қайда барса, өтірігі бетіне шығып, жұртқа жексұрын көрініп, көтінен кері кете береді еken.

Екеуі бір қоркынышты, қауіп-қатерлі шөлге шығып кетті дейді. Бұрын журмегендіктен, жол жайын білмегендіктен, солай болатұғындығы үшін бұрынғы қазақ қариялары айтқан: «Көрген жер – бостан, көрмеген жер – көрстан» – деп.

Ол шөл сондай шөл еken: желі ыстық оттай бетке ұратұғын, топырақ-құмы борандай борайтұғын, бетке қадалар бетеге жок, кездін жасындей сұы жок, түкіріктен басқа дым жок, жанды нәрсе күнелтіп, тірілік қыла алмайтұғын, «Тозак шөлі» – атанған аты-шұлы жан жүрмейтұғын шөл еken. Бұлар мән-жайын білмегеннен абайладамай жүріп кетіп душар болыпты. Шыншыл:

– Не болса, Құдайдың бізге берген нәубеті. Мұны берген Құдай бұл бейнеттің рақатын бізге көрсетер, «мехнат тұбі – рақат» – деп, қуана береді еken де, Суайт:

– Құдай білгіш дейді, бәрін біледі дейді, кәне, білгені?! Білгіш болса, осындай жер дүние жасай ма?! Құдай күшті дейді, қайда күштілігі?! Мұның жерін жаратуына шамасы келсе де, су жаратуға мұршасы келмей қалған фой! – деп, аузына келгенін шата береді дейді.

Шыншыл:

– Маған мұның бейнеті ауыр емес. Осындай қыын-қыстау тар жerde сен сықылды жолдас берген Құдай маған не бермес дейсің?! Ырзамын Құдайға, шүкір, шүкір! – дей береді дейді. – Сұмырай күнде, сұм жұлдызыда тудық па? Әлде маған сондай күнде кез болдың ба? – деп, тәүбе тізіп, рух Құдайға жалынуда болады еken.

Суайт аузына келгенін шатып, Құдаймен арпалысуда болады еken.

Ес кетті, жап шыкты дегендей болып, шөл таусылып, бір дарияның жағасына жетті дейді. Дарияның жағасына келсе, жыбырлаған кеме, қыбырлаған жан, құллі қоры-дағы жұрттың кемемен дариядан әрі отегүгін күпіне кез болған екен. Жұрт жабырласып акырғы кемеге жанталасып мініп жатыр екен. Бұлар кемеге сыймай қалып бара жатқан соң, кемешілер екеуіне бір қайық беріпті. Екеуі бір қайықта мініп, арқанын бір зор кемеге тіркеп, су жүзімен жүріп келе жатса, дария да неше күн, неше түн жүрсе таусылмадай болған соң, суайт шыдай алмайды дейді:

– Япыр-ай, жұрг: «Құдай, Құдай» – дейді. Шөл болса, оған бір тамшы су орнастыра (орналастыра) алмай, су жасаса, алақандай құрғак жер орната алмапты. Анауы – анадай, мұнысы – мұндай: сондай Құдайды «Құдай, Құдай!» – деп, аузынан тастамайсың. Мен кісі танысадам, сенің өзің шын оңбаған сұмырайсың гой! – деп, шыншылға ұрасады дейді.

«Бірдікі – мыңға!» – деген бар емес пе?! Суайт залымның кесапатты кесір тілінің сұмдығынан көп кеме толқынға килігіп, Құдай пана берсіп, су тас-талкан, кеме быт-шыт, біреу олай, біреу былай (булай) басымен қайғы күн туып[ты]. Суайт мұндай зар күнге ұшырап қалған соң жагы қарысып, шыншыл:

– Кой, жаным, айта көрме! – деп, онымен арпалысып, бір жағынан Құдайға сыйынып, – «Сақта, Құдірет, сақта!» – деп, жалынып-жалбарынып, ак жүрекпен айтқан наласы қабылдай болып, күн жайма-шуақ, жадағай боп ашылып, толқын басылып, дария ортасында көздеріне бір қара көрінді дейді.

Сол көрінген қараға қайықтарын жел айдал, аман-есен келсе, бір жасы[л] байтак кен арал екен. Құм топырақ бір араға жиылып, үйіліп, кең сахара дала болып, үстінен ағашлар өсіп, өзіне-өзі келіп, бір жетіліп тұрған жай екен. Қайықтарын бір ағашқа байлап, құрғак дүниенің жүзіне шығып аралап келе жатса, сұы мөлдіреп, тұбі күмістей жылтырап жатқан бір бұлаққа кез болыпты. Басында бір тас. Тасқа жазу жазылған. Жазуы қазылған тасқа таңба басқандай, қиямет-қайым болмай жоғалар жазу емес. Екеуі де танып оқыды – тасқа жазылған сөзі: «Кімде-кім бұл бұлаққа кез келсе, өмірінде өтірік айтпаған шыншыл кісі бұл бұлақтан бір жұтса, мейірі қанады, көзі шырадай жанады. Толық бір айға шейін ас-су ізdemей, тойған қозыдай томпиып, дәнемеге пейілі (милы) шаптай қалады. Егер өтірікші, жалғаншы ішсе, мейірі қанбайды, көзі шырадай жанбайды. Оның тоқтығы-ай, отығын түгіл, үш күнге бармайды. Қанша ішкенмен, өмірінде сусыны қанбайды және тағы мұнан ішкен соң, аузынан бір өтірік сөз абай-ламай шығып кетсе, табанда қарны кеүіп кетіп жарылып өлеіді. Ана көрініп жатқан дария сұы ащы, ауызға ұрттап алғысыз. Бұл маңайда мұнан басқа көздің көлеміндей дс су жок. Ишсе де ерік өзінде, ішпесе

де срік өзінде. Және бұл айтылған ішү шартынан басқа шомылу шарты бар. Өтірікші бұл суға түссе, денесіне тиген жері өртенеді. Отқа күйгенге жазылу бар, бұған күйгенге жазылу жоқ. Шыншыл шомылса, жаны сая табады, денесі ракатланады. Қозін жұмсын, құлакмұрын тығындастын, бір сұңгіп, басын көтеріп алсын. Сонда көзіне ие көрінссе, жанға аузынан шығармасын, өзіне-өзі ие болуға жараган жан шомылсын!» – деп жазыпты(назыпты). «Және бұл суға құлаш ұрып жүзіп малтимын демесін. Егер ондай қыламын десе, етпетінен (екбетінен) суға жабысып жатып қалған бойымен жатып қалады!» – депті.

Суайт мұнан ішерін де білмеді, ішпесін де білмеді. Өзін әрі аштық, әрі сусағандық жетесіне жетіп, титігін құртқан.

– Енді бір ауыз өтірік айтпасқа тәубе қылдым!

Шын Құдайдан қорқып қылған тәубе емес, амалсыз, шарасыздықтан тәубеге келіп, ішіпті, шыншыл әуелі дәрет алды, шүкірүзу намазын оқыды. Ол намаз оқып жатқанда, суайт шомылайын деп ойланып, суға қолын тигізіп еді, қолы ду (дау) ете түсті. Шегініп тұра қалды. Шыншыл намазын оқып болған соң, қаннен қаперсіз, дәнемеден сескенбей, ұят жеріне белдемше байлап, суға кірді. Ол балық есепті болды, су оған жан есепті болды. Әмірінде көрген бір рақаты болды. Жаны жай тапқан соң, денесі сүйсінген соң, суға бір сұңгіп, басын көтеріп алса, манағы шешініп суға түскен жер емес, басқа бір бөтен дүниеден шықты. Әдемілігін, ондылығын ауызбен айтып түсіре алар емес. Жалғаның жарық сәулесін жаңа көрді. Судан қырға шығып еді, қылқын (құлқын) кескендей қырық кызында сұлұлықта бірінен-бірі өтеді. Бірінің қолында орамал, бірінің қолында сұлғі, қолы бос ешқайсысы жоқ. Жалма-жан етін құрғатып, торғын төсеп, атлас жайып, бастан-аяқ киіндіріп, бірі қолынан ұстап, бірі қолтығынан сүйеп, сандал ағаштан салынған сарайға алып барысып, бұл өзіне де ие бола алмай қалды, ісіне де ие болмай қалды. Ол сандал үйде сандал ағашынан алтындырап жасатқан бір так. Так үстінде бір қыздың суреті. Мына жанды қыздардың бәрі де ол суреттің қасында дәнемеге тұрмай қалды. Жалғанда мұндай сұлуды жаратқан Құдай қалай шебер?! Құдайдың жаратқан қалпын аудармай өзіндегі қылып салып алған суретші қалай шебер?! Сол суретті көргенде, есінен адасып жығылды. Қырық қыздың басшысы Шәрігүлрух жалма-жан басына келіп, отыра қалып, бетін-бетіне тигізгенде, жансыз денеге жан салғандай болып, көзін ашып мұны көрді де, ананы ұмытты. Басын көтертуге жараган, өзін түрғызуға жарамай ма?! Қолынан ұстап, құшактысып, қойындастып жоғары таққа алып шықты. Шәрігүлрух етіне-еті, бетіне-беті үйренген [соң], айттырып алған жарынан артық «жайылып жастық, иіліп төсек» болып, бүркіттен қырағы, байғыздан зерек, маймұннан (маймұлдан) ойыншы, мысықтан ебі

асып, құшактасып сүйісіп, ыржақтасып күлісіп, қырық қылып, отыз үйіліп, он екі бұралып, мойнына оралып, әуліктіріп, еліктіргені байлай (бұлай) тұрсын, алма дейсің бе, анар дейсің бе – жегізіп, шырын, шәрбат, қызыл арак қосқан арап пен сарапты (шарапты) ішкізіп, әуелі озі ұртап, өзі ұрттаған жерінен жігітке ұрттатып, ғақыл-естен тандырып, көзін шырадай жандырып, аса жанышадай жақсы көргендігіне қылық, қызметімен нандырып, жігіт те күйіне түсіп, көnlі көтеріліп есіп, екі көзі мөлдіреп, қадалғаннан қадалып, қыздың өңменінен өткендей тиісіп, ұят-ардан кешіп әйел жынысынан еркектің ерік әліне (алдына) қоймай, керек қылғанын дәметеп, жалынып-жалпая бастады. Құшактаса, қымсынбайды; сүйсе, шімірікпейді. Қалай уқаласа, уқалаудына көнді.

– Бірақ бүгін маған аял бер. Ертеңгі күннің таңы атсын! Тайдай тал түстө адал неке, ақ жолмен қосылайық. Бұл жер аса адалдыкты ұнатағы. Иненің, көзіндей арамдыққа (арамдықға) басуға жол жоқ. Бір соқырдың қобалжығанына қозгалып, жігіт болсан, менің етегімді былғама! «Асыққан – жетпес, бұйырған – кетпесс» – деген бар емес пе?! – деп, о да жалынды дейді. Мұның бойын әбден билеп жеңіп кеткендей сондай, айтқан сөз құлағына да кірмейді, өзі есі-түсін де білмейді. Екі көзі қыздың бетінде, екі қолы смішк, тамақ сықылды жоғарғы дене етінде. Сабыры қалмаганнан шыдай алмай, қолды томенгі жаққа соза бастады.

Қызы жалынып:

– Бір жұмыска кірмей, өзінді тоқтата алмайтұғын болсан, өзімнен де артық бір сұлуды қойныңа салайын! – деп, Сыросминсақ деген бір қызды шақырып алдып:

«Мал – жан садақасы, жан – ар садақасы», – мен саған жанымды қинамайын. Бір түнге шыдай алмағандығыңа арымды қимаймын! – деп, жалынып-жайлайып Сыросминсақты қойнына салып, өзі тұрып кетті дейді. Бұл өз билігінен айрылып, соқырдың билігінде қалған кісі, ойына алғанын қылып, көнілі дауалап тынып жатты да қалды. Ағарып таң атты, жарқырап күн шықты. Бір мезгілде оянып, есін жиып, көзін ашты. Ғақыл-есіне келген соң, жындылық міnez бәрі бойдан қашты. «Үрылған екенмін ғой! Құдай мені неден мұңдай масқара қылды?!!» – деп өкініп өзін-өзі пұшайман болып: «Суға шомылып адада найын!» – деп, оңашаланып барып суға бір сұңғіп, басын көтеріп алғаңда, манағы жолдастының қасынаи шықты. Қайта сұңғиін десе, су жоқ. Не қыларын білмеді. Хайран-асыр, таң-тамаша, мең-зен, салсал, ессіз-түссіз, дал-дал. Көз басқа нәрсени көруден қалды, тіл бөтен сөзді сойлеуден қалды. Алғашқы көрген қыздың суретін (сортын) бір ойлайды, ол көз алдына бір елестейді. Онаи соңғы өзін әлпештеп аялаган қыздың қылық-қызметін ойлайды. Ол көз алдына бір елестейді. Онаи соңғы көңілін дауалатқан қыздың өтінің жұмсақтығы ойына

түседі. Ол көз алдына бір елестейді. Бұжалғанда мұндай зор пәлеге ұшыраган кім бар дейсіздер?! Әзер зорға киімін киініп, аяғын баса-рын да білмейді, баспасын да білмейді. Оның үстіне және таста бір жазу сайрап тұр: «Бұл жерге кімде-кім кез келсе, суға бір шомылған соң, титтей (биттей) кідіріп тұрмасын, олай-былай (пұлай) мойнын бұрмасын! Не диу пері өлтіреді, не жайын, не айдаһар жұтады. «Бас аман, жан сауға!» – деп, женелсін!» – деген.

«Өлейін десе, жан тәтті; өлмейін десс, дерг қатты». Амалсыз аяңдап жөнеле берді. Жолдасы да хайран-асыр. «Аттан жығылғанды пері аңдиды» деген осы екен-ау! Не қылса да, судан бұған бір нәрсс жабысты. Жын соғып кетті ме, пері соғып кетті ме?!» – деп, ол олай ойлап, бұл былай (бұлай) ойлап, екеуден-екеуі елсізде бір-біріне тіл қағысып, сөйлесуден де қалды. Шыншыл өз көргенімен хайран-асыр, суайт мұны көріп хайран-асыр – қайыққа мініп, дарияға түсіп келе жа-тып, бір зор кеме көрінді. Кемеге келсе, іші лық толған сандал ағашы. Тірі жан қырылған, жанды карға да жоқ. Бұлар иесіз қалған кемсеге келіп ие болды. Бұл кеменін жайы: бұл дария мұхит екен, Хиндстанға (үндістанға) астасқан жағы екен. Мұнан құрғаққа шыққан Хиндстан-нан шығады екен. Ол заманда Хиндстанда бір Хысырау патша бар екен. Соның жалғыз қызы болған екен: заманаусының сұлуы екен. Көрген кісі талып, өліп қала береді екен. Сол қыз басы айланып (ай-налып), көзі қарайтүғын бір ауруга ұшырап, дүниедегі бақсы, балгерлерді жинаса да, еш дауа қыла алмай[ды]. «Бұған сандал ағаштың ісі жақсы» – дегенмен, патша жүртқа жар салған екен: «Сандал ағаштың бір тұтамын бір алтыннан аламын!» – деп.

Қызына сандал ағаштан үй жасатпак болып, соган сандал ағаш алып, тиеп (түйе) келе жатқан бір керуен екен. Өздері су соғып, дерг тиіп, қырылып мүкәммалдары иесіз қала берген екен. Шыншылдың әуелден басқа дәненемен ісі жоқ. Суайт көп дүниені көрген соң, тыңдайп кетті. Өлген жанның бәрін дарияға таставады, жалғыз өзі не-ленді. Ақыры келіп құрғаққа бір шықты. Сөйтсе, Хиндстап патша-сы Хысырау хан дария жағасында сейілге шығып жүр екен. Кемені көрісімен, кісі шаптырды. Екі кісідең басқа жан жоқ. Шыншылға:

– Жүр! – деп еді, басын шайқады:

– Менен аулак, аулак. А나у барсын! – дейді.

Суайт: «Күдай берді ғой!» – деп куанып, «Бұған бір өтіріктің сүйн ағызып, майын тамызайын!» – деп, ханиң җіберген кісіне еріп, ханға барды.

– Жаным, кімсің? – дейді.

– Қыр қыдырған, су сыйдырған, тау аскан, тас басқан, жүрген-түрган жерімнен жын-шайтаниң ұсы қашкан «Хожай саудагер» – деген саудагермін! – дейді. – Дария ішінде келе жатқанда, қызыл жел ескектеп, құл-құнім бәрі қырылып, жалғыз-ак құлым қалды кемеде, малдың басында. Артқан-тартқан жүгім сандал ағаны! – дейді.

Патша:

– Іздеген жоғым табылды! – деп қуанды.

Әлгі сөз аузынан шығуы мүң екен, ісіп, кеүіп, киіміне сыймай, кеү[десі] жарылып өлді. Патша өмірінде көрмеген нәрсесі болған соң, жаман шошып кетті. «Мұны жуып көміндер!» – деуге де аузы бармады, олғен жерінде қала берді. Ол жердесі өздері былай қашып кетіп, кемеде қалғанына кісі жіберді. Шынышылды дедектетіп алғып келді. Ол кіріп келгеннен-ақ көрген жүрттың бойы иіп, еміреніп, сүйсініп, карасын көрумен көңілдері тойып қалды. Оны сөйлетіп еді, онда бір мұлтік өтірік бола ма? Иесіз кемеге өздерінің қайықпен келіп килік-кесін сөйлеп, айдан жарық, күннен раушан қылып айтып берген соң, патша да мұның шынышылдығына ден койып аузынан шыққан сөзіне тойып:

– Жаңым, бізден калағаныңды ал, көңілге алғаныңды айт! – дейді.

– Уай, тақсыр-ай, сізден не қалайын, не сұрап алайын?! Елім-жұртыман айрылып келіп түстім колыңызға, ғазиз тәnde шыбын жаңым пида болсын жолыңызға! Сіз патша да, біз құл. Қарақан басыма азаттық берсең, Құдайға құлшылық қылып, Жасаған Иемнен сізге өмір тілеймін! Тілеуқорыңыз болуға жарасам, соның өзі маған бақ та, тақ та! Міне, шындығым! – деп, жер сүйді дейді.

Патша мұның сөзіне еріп-елтіп кетті. Қасына алғып, уәзір етті. Онымен де коймады. «Алмаймын!» – десе де, зорлап ықтиярсыз қызын кости. «Қожаны жықпас па, аузына тықпас па» – дегендей қылып, ак искені қиды, ал шымылдық құрды, алаша, төсек салды. Патша қызы колына емін-еркін бір бай тиғен соң, қуанып қалды. Мұның әлі қызбен ісі жоқ, ұялғаннан тұзу де қарай алмайды. Есі-дерті баяғы бір киялда жүр. Патша қызы мұнан мән-жайын сұрады. Бұл бастан кешкен, корген-білгеннен түк қалдырмай сейледі. Патша қызы:

– Жарайды, Құдайдың бір заманда бір тұзу жаратқан жаны екенсің! Сол тұзулігіңен Құдай саған не берсе де, шын берген екен. Енді мен сөйлейін, сен тыңда! – дейді.

– Құдай Тәбәрік Отғылы әр заманда бір сұлу жаратады екен де, жан біткенді оның бетіне үңілтіп қарагады скен. Соңда оны: «Жалған дүниенің жүзіне бір жақсылық берсін!» – деп, жаратпайды екен. «Біреудің ажалына, біреудің бейнетіне себеп үшін жаратады екен. Адамзаттан өлгеннің ұшы-қыры (ғұйыры) жоқ. Бір жын патшасы маған ғашық болыпты. Қаша аңдып келгенмен, ұрлап алғып кете алмай. маған қосылуға колы жете алмай, басымды әңкі-тәңкі (әңгітәңгі) қылып, құлағымды азан-қазан қылып щулатып, есім ауып талып қалатұғын бір ауруға душар қылып кетіпти. Соңан соң атам балгер, баксы, не кожа, молда тауыпты, жинаштып ем-дом қылса, бірле-бірі конбапты. Ең ақырында дағдарғаңда, жүрттың тапқаны, тауып айтқаны сол болыпты: «Сандал ағашын тұтатса, талған кісі есін

жиюшы еді. Бұл қызыңызға сандал ағашынан үй салдырып, соның ішіне бактырыңыз!» – дегенмен си менің атам бар қазынасын аямай жұмсап, сандал ағаштан үй салдырып, ойна келгенін қылыпты. Соңан кішкене серпіліп, тәуір болыпты. Болғамен де анық жазылмасам керек. Анда-санда жын-перінің қанатының суылдағаны, өздерінің улаған-шулаған дауысы құлағыма естіліп тұрады. Сол жын патшасы маған ғашықтыңпен атам салған сандал сарайды о да өз жерінде салдырыпты. Оның ішіне менің суретімді (суретімні) орнаттырыпты. Оның күтушісіне қырық қыз қойыпты. Құдай айдал, онда барып, сенің көріп ғашық болып жүргенің түндеге көрген тұс емес пе? Сенің сонда айдал барған Құдай мұнда айдал келіп, міне, көріп отырғаның өң емес пе?! Өң мен тұс – екеуінің арасы жер менен көктей емес пе?! – деген соң, бәрі өзінің бастаң кешкен, жүрген-тұрган әңгімесінің шешуіндей болған соң, Құдайдың қуатына хайран-асыр қалып, қыз сөзінә әбден сеніл наныпты.

Ерекек пен ұрғашының арасында болатын қолқаны бірінен-бірі емін-еркін алып, барша мұрат басына, сакалы көтіңс жетті дейді.

Намза, Лумза әңгімесі

Пайғамбар заманында аға-іні – бір туысқан екі жігіт болды. Біреуінің аты – Намза, біреуінің аты – Лумза. Өздері жалаңаш, кедей: ішер ас, киер киім аз. Бірақ мінездері онды, қыздан қылықты, екі аяқты адамзаттың жорғасы, намаздан қалмайды. Намазға жүрттап бұрын келеді, жүрттап соң шығады. Егіз қозыдай жара-сып, жүрттың көзіне түсіп, аузына ілінді. Сөйтіп жүргенде, ан хазіретіміз бір соғыстан түскен олжа үлестіргенде, екеуіне екі кара қой берді. Мұбарак алақанымен қойдың арқаларынан бір-бір сипап, екі қара қойды үйлеріне алып барды. Қойлар – бұты толған бұлақ болды. Бүгін қырықса, ертен жұні есіп шыға келеді. Құдайдың құтты күні қырқатұғын болды. Киім, тамаққа мол жарыды. Бұрын жоғында екен, ішіп, жеп, киіп, дәндеген соң: «Барлық жақсы екен ғой, байлық жақсы екен ғой!» – деп бауға құмар болды. Ан хазіретіміздің қыңқылдаپ, құлағының тынышын кетірді.

– Ағайынды екеуміздің баюымызға бата берсөніз екен! – деп.

– Қой, балам, осы екі қойдың жұні, сүті сендерді аш қылмайды, жалаңаш қылмайды, осыған қанағат қылыңдар! Бай болған Қарабайдың не болғанын құлақтарың естімді ме? – деп еді. Ондай-мұндан сөзге тоқтамады:

– Хазірет, Оспан да бай, Сәдуақас та бай, Фаббас та бай. Байлар пәлен құл азат қылады, ашқа – тамак, жаяуға – ат, жалаңашқа тон бесреді. Оның сауабын өзінің айтып тауыса алмайсыз. Құдайдың қанша мол жақсылығын бізден қызғанасыз ба? – деген соң, құлағына маза

бермеген соң, шын ықыласпен емес, «Жығылған жағынан тұрма!» – дегендей:

– Малдың астында қал! – деп, бата беріпті. Соңан соң бұлар дүрілдеп байып, шаһарға түгіл, даға сыю қайда, жонға шығып кетті, киыр жайлап, шет қонып, ұзақ мойынға кетілті. Қайыр, бұлардың байлығы сондай, малының санына жете алмапты. Артқысын санаймын десе, алдыңғы санағаның ұмытып қала берсе керек. «Сан жетпеген!» – деп, сондай малды айтса керек.

Бір құндерде ан хазіретіміз зекетші жіберіпті. Барған зекетшіге зекет беру қайда, Эбу Жәһил Лағын Мұхаммед хақында не айтқан болса, Құран сөзіндей жаттап алған екен. Ылғи пайғамбар хақында қиянат, ғайбат сөзді ағасы бастап, інісі қостап:

– «Баяғыда бір-екі қара қой беріп едім» – деп, біздің қыр соңымыздан қалмай-ақ жүр екен ғой! – деп, барған зекетшіні жанымен қайғы қылып жіберіпті.

Зекетші келіп, көрген-білгенін айтқан екен, нанбапты. Нанбаған себебі – мұның алдында бір жұртқа зекетші жіберіп, ол зекетші барған жерін жамандап, қияннап келіп, пайғамбар соғыс ашуға мобилизация қылып, Халдібін Лулитті әскербасы қылып, аттандырып, бұлар барса, алдыңғы сөз шілп-шикі өтірік шығып, соның хақында: «Жалғанышыңың сөзіне нанып, арандап қалманадар!» – деген аят келіп отыр екен. Ол аят мынау: «Иа ирнәлдин әмұна ан хакім пасықпын ба фітбинуан тысибуа мағратим иадмен» – деген аят келген.

Зекетшілердің сөзіне наnbай, ан хазіретіміз өзі барыпты. Барса, малдың астында қалған екен. Қойдың жұні тау-тау, төбе-төбе болып және сол пайғамбар барған күні қой қырықтырып науқан, болып жатыр екен. Пайғамбар барған соң, «апысы кіріп, күпісі шығып» асып-сасып:

– Уай, тақсыр-ай, Құдай [сізді] де көрсетеді екен-ау! Жақсы келдіңіз! – деп, «жайылып жастық, иіліп төсек» болып, ағайынды екеуі жоргалғанда, Ұәли ханның асында жорға бәйгесінің алдында келген Жаннаның қек ала жорғасы мен ханның сырғанақ боз жорғасы айдалада қалыпты. Ағасы інісіне:

– Тұр, мал ап кел, сой! – дегенде, інісі шыға беріп, ағасына көзін қысыпты. Онысы: «Өзін бері шығып кетші!» – дегені екен. Ағасы:

– Әлгі семізін ап келмей, арығын ап келер, өзім шығайыншы! – деп, жүтіріп шығып, екеуі сыйырласып:

– Аузын үріп, аяғын сыпырған жарықтықтарды қалай қылып, бас салып соямыз? Жетім күнінде не жемеді дейсін? Бір мысық сойып, палау басайық! – деп, жонға көрсетпей, мысық сойып, палау басты дейді.

Табақты көтеріп пайғамбар алдына ап келіп қойған заман бір бүрғік ет табақта қалмай, мысық тіріліп, шек-карның шұбатып, мияу-12

лап, жүре бергенде, екеуі жүгіріп шығып, ұялғаннан жүннің арасына кіріп кетіп, қайта жарық жалғанның жүзіне шыға алмай, қара күйс болып кетіпті. Қара күйе өзі екі түрлі болады: себебі сол дейді, солай болғаны үшін. Бұл әңгіменің қиямет қайымғаша айтылып жүруіне мұның ҳақында Уасіл сүресі келген деседі. [Мағынасы мынадай айтылады...]

«Айналайын, Һамза, Лумза, малды үсті-үстіне топырлатып жиды. Санап санына жете алмады ... ойлады: «Сол жиылған мал сол бойымен тұрады. Өзімізге өлу жоқ, ол малға ешқайда кету жоқ», – дейді. Ол мал ол дүние жиошуының өзіне ҲұтЫМА деген – тозактан кейін болмайды. ҲұтЫМА деген тозақ ішіне түсісімен, күйдіріп жібереді еken. «Сондай ол Һамза, Лумза да жүннің ішіне кірсімен, күйіп күйе болды!» – дейді. Жалғанда осы Һамза, Лумзаны еліктеушілер ақыретте ҲұтЫМА атлы тозаққа кіргенде, түсісімен, күйе болып кетсе керек.

Заманына қарай амалы

Бұрынғы заманда бір адам қатынымен араз болыпты. Болған себебі – қатынының өз байынан басқа жақсы көрер тамыры болғандықтан. Байы үйден шығып кетсе, тамырын шақырып алып, ойына алғанын жұмыстай беретүғын болғандықтан, байы кіріп келе сабап еркектің күшін қолымен көрсетіп, бірін-бірі көргісіз болып, өйткенмен бірінен бірі кете алмайды. Қосақталған екі хайуандай бір арыснай (арестный) домға қамалған екі арестанттай күн кешіріп жүре берілті.

Бір күн[i] қатынының тамыры қойынында жатқанда, даладан байының келіп қалғанын сезіп, қатын есікті ішінен тарс бесітіп алып, байы кіре алмай, есіктің алдында тұрғанда, көшө жақтан бір жаршы жар салып жүр еken:

– Хан түсін жоруын білетүғын түс жорушы бар ма?! – деп.

Катын терезеден айғайлап, жаршыны шақырып алып:

– Есіктің алдында менің байым тұр, түс жоруын жақсы біле-ді. Айтқаны далаға кетпейді. Жалғыз-ақ ұрмаса, сокласа, қинамаса, білмейтүғын жаман әдеті бар. Өзін өлтіре ұрса, сонда шешіліп сөйлейді! – деген соң, ханның жұмсаған жендеттері ерік-әліне қоймай, сүйретіп ала жөнеліп, ханның алдына апарыпты.

– Түс жоруын білемісің? – деген еken.

– Жоқ, тақсыр, білмеуши едім! – деген соң, алып келген жендеттер айтыпты:

– Өзінің қатыны бізге барлық сырды айтып берді. Ұрмай, соқпай сөйлемейтүғын әдеті бар өзінің! – дейді.

– Ендеше ұрындар, соғындар, қинандар! Тұңцы етіне абын таяқ тисе, долданып, ашынып сөйлейтүғын бойында бір бөлек айтатүғыны бар шыгар! – деп, дүрсілдептірді дейді. Жанына таяқ батып бара жатқан соң:

– Тақсыр, дат! – дейді.

– Арызың болса, айт! – дейді.

– Үш күн мәulet беріңіз, оңашаға барып, елсіз жапанда ұйықтап калып, сіз не көрсөніз соны түсімде көріп, сейтіп келіп айтушы едім, – дейді.

– Жарайды, – деп, босатып қоя берді.

Хан алдынан былай (бұлай) шығысымен, құба жон, құла түзге бет койып жөнелді. «Үш күнге шейін іздеген жан таба алмастай, бір тасаға жетермін!» – деп, сол кеткеннен мол кетіп бара жатыр еді. Жапанның сары даласында бірсү мұның атын атап шақырады:

– Ай, пәленше, қайда баrasың? – деп.

Жан-жагына қараса, өзінен басқа қарайған, қалқиған жан жок, жүре берейін десе, шақырып коймайды. Қараса, бір жылан басын қакитып, шақырып тұрган. «Осы мениң атымды айтпай танып, сұрамай біліп тұрган жылан да болса, тегін жылан емес қой!» – деп, жуықтап, жанына барды.

– А, пәленше, қорықпа, саспа! Хан түс көріп, сол түсін саған жоры!

– деп, қинаң, қыстаған соң, жаныңдан қорқып кетіп баrasың ғой! Ханиң түсінде не көргенін айттайын және оның жоруын үртетейін. Ханиң өзіңе бергенінің жарымысын маган қиямысың өзің? – дейді.

– Ойбай, саған түгел әкеп берейін, маган ханың бергенінің керегі жок. Жаным өлімнен қалса, маган соның өзі зор олжа! – дейді.

– Ой, байғұс-ай, «Судан өткенше, қызымынде берейін, деп, етіп алған соң – аузыңды сі...ин!» – деп айтатұғын қазактың бірі емессің бе? Бүтін әкеп бер – деп, не қылайын, жартысына қалып (қалта) қылмасаң болады!» – деп, әбден кешіріп, жылан сөйлепті. – Хан түсінде көктен жылан, шаян, құрт, құмырска жауғанын көрді. Өзі қорқып, түсімде соны көрдім! – деп айтұға да аузы бармай: «Не көрдім түсімде, соны тап та және жоруын айт!» – деп, қинаған ғой сені. Ол түсінің жоруы – заман жаманға айналады: ұрлық, зорлық, өтірік көп болады. Бұқүнгі уәдесінде ертең ешкім тұрмайды. Біреуді біреу жеу, біреуді біреу өтірік алдау, арбау – жұрт түрі солай болады.

– Жарайды, ханың бергенінің қақ жартысын саған ап келіп, алдыңа қояйын! – деп, қайта берді.

Келіп ханға сөйлеген соң, хан түсін тапқанына риза (ырза) болса да, «заман жаман болады!» – деген соң, мың ділда сыйлапты. Бұл мың ділда қолына тиген соң, «Алтын көрсе, періште жолдан шығады» – деген бар ғой, «Жыланға ділданың не керегі бар, маган енді жыланның не керегі бар?!» – деп, үйіне барып, тымпиып жатып алды дейді.

Айлардан айлар өтті, жылдардан жылдар өтті. Баяғы хан тағы бір түс көріп, белгілі түс жорушыны шақыртты дейді. Шақырғанмен қоя ма, ерік әліне қоймай дедектетіп алып келіпті. «Білмеймін десем, тағы да ұралы ғой!» – деп:

– Таксыр, үш күн мәулет! – депті.

– Жарайды, бар! – деп, қоя беріпті.

Тағы да жазы жапанға, құла түзге қаша жөнелді: «Енді маған баяғы қыдыр болған жылан қайда? Жылан ұшырағанмен, не бетімді айтамын, қалай ұялмай, оны көремін? Не болса да осы бетіммен қанғи берейін!» – деп, бара жатса, баяғыдай атын атап, жылан тағы шақырды дейді.

Аяғымен басып баруға жарай алмады. Жерге жата калып, бетімен басып, зорға барды дейді:

– Саған қарап жүзім де жок, айттар сөзім де жок! Алсан, міне, бас; алмасан, алдияр бас! – деп, жыланның аяғына бас қойып, жатып алды дейді.

– Көтер басынды! Байғұс, енді мұнан былай өтірік айтпасаң, енідігі бергеннің жартысын ап келіп бересің! Оның да көнегін! – деген соң, қуанып, ұшып тұра келді:

– Ендігі бергенін түгел ап келіп, алдыңа қоймасам ба? Менсұн ұргашының жаман жері жақсы деп біл! – дейді.

– Жарайды, аntyң толық болды. Хан түсінде көктен қой жауғанын, қозы жауғанын көрді, қуанып оянды. Бастапқы түсін корыққанынан ұмытты, бұл түсін қуанғанынан ұмытты. «Қорыққан, қуанған – екеуі бір бас» – демеп пе еді? Оның жоруы – заман жақсылыққа айналады (айланады). Жылан мен бала ойнагандай, итқұс пен қой ойнагандай: «Қой үстінде торғай жұмыртқалайтуғын» заман болады! – дейді.

Еліктей ұшып, елпілдей басып, ханға келіп:

– Таксыр, түсінізде көктен қой жауғанын, қозы жауғанын көрдініз бе? – дегенде:

– Рас, рас, көрген түсім – осы еді. Енді мұның жоруын айт! – дейді.

– Таксыр, бұл түсініздің жоруы – заман онға айналды, жамандықтың жолы байланды. Енді заманыңыз бір түрлі, бұрын соң да ешкім көрмеген жақсы заман болады! – деген соң, хан қуанып, он мың ділда берді.

Қолына түссімен: «Қайдасың, жылан, енді көрінші!» – деп, асып-сасып, желпектей басып, жолда сүрініп, мұдірмesten, титтей кідірмesten, жыланның алдына алып келіп, бәрін төге салды:

– Алишы түгел бәрін сен! – деп.

Жылан айтты:

– Ой, байғұс-ай, баяғы мың ділданың жартысын әкеліп беруге қимай, өтірік айттып кеткен пәленше сен емессің бе? Бұғін қайдан әулие бола қалдың?! Мен сені сөзге түсіндірейін. Заманды адам билемейді, адамды заман билемек! Баяғыда заман көтіп көрсеткен заман еді. Заман онға айналмай (айлағбай), қыныр қисыққа айналған еді. Сондықтан сені заман шыры женіп, өтірікші болып алып, келе алмағаның сол. Бұл күнде заман бетін көрсеткен заман. Заман онға

айналып, өтірік зым-зия жоғалып, шындық қүшейіп, ұрлық жоғалып, біреудің біреу бір сабак жібіне қиянат қылмайтығын болып, зорлық жоғалып, әділет күшейіп, сол заманың жақсылығының эсері (шыры) сені шыншыл қылып, айтқанда, табанын аудармай тұра қалатуғын жігіт қылып тұрғаны. Сенде жазық та жоқ, әулиелік те жоқ. Өтірік сөйлестсе, заман сөйледті. Шыншыл қылса, заман қылды. Солай болғаны үшін айтывады: «Заманына қарай – амалы» – деген сөз соңан қалған! – дейді.

Дүние бір күн көтін көрсетпек, бір күн бетін көрсетпек! «Дәл осы күн дүниенің көтін көрмесе, бетін көріп тұрған бір жан жоқ!» – десен, өтірікші болмайсың. Көктен жылан, шаян жауғанын бұрынғы түсінде көрген болса, бұл заманың адамы өнінде көріп тұр. Ешкімге өкпе жүрмейді. «От ішінде макта, // Мактадан Құдай сақта!» – деп, жүре бергеннен басқа дәнeme өнбейді.

Ақылдың пайдасы

Ерте уақытта бір патша болыпты. Патшаның әдеті үстіне жабайы киім киіп, жабайы адам болып, шаһарын арапап жүреді екен. Бір күні бір жерде бір адамды көреді. Басына ат басындаі алтын, аяғына қой басындаі алтын жастап жатыр екен. Патша бұған келіп:

– Сен не ғып жаткан адамсың? – деді.

Ол айтты:

– Мен ақыл сатып, кәсіп [етіп] жүретін адаммын, – деді.

– Мынау алтындарым сонан жинап алған пұлым, – деді.

– Ендеше маган да бір ақыл сатасың ба? – деді патша.

– Сатайын, – деді адам. – Сізге осы ақыл кайырлы болсын, – деп, мынау акылды береді, сатады: «Не жұмыс, не іс қылсан, ақылмен, са-бырмен артын ойладап істе!» – деген сөзді береді.

Патша бір ділда беріп, алып кетеді. Үйіне келгеннен кейін, үйінің қабырғасына, әрбір ұстайтын орамал, дастарханға сол сияқты неше түрлі нәрселеріне жазып қояды. Бір күні патша шаштаразыға:

– Сен бүгін біздікіне жүріп, менің шашымды алып берші! – деп, шакырып кетеді. Артынан шаштаразы кешікпей келеді. Шаштаразының патшаның шашын алайын деп келе жатканын біліп, патшаның бас уәзірі алдынан қарсы жолығып:

– Патшаның шашын қандай пышақпен аласың? – деді.

Шаштаразы өзінің күнде шаш алып жүрген ағаш сапты пышағын көрсетті. Онда уәзірі айтты:

– Сенің ол пышағын патшаның шашын алуға лайық емес. Мә, сен мына пышақпен ал! – деп, уәзір өзінің алтын сапты ұстарасын береді.

Ол алып келеді де, патшаның үйінде жазулы тұрған жазуды көріп: «Не іс қылсан, ойладап істе, – деген сөз дұрыс қой деп, – қой,

өзімің күнде алып жүрген ұстарам лайық болар!»[деп], алтын сапты ұстараны былай қояды да, ағаш сапты ұстаралын алады.

Патша көріп отыр, ойлап отыр: «Бұл маған менің шашымды алуға алтын сапты жақсы ұстарасын қимай отыр. Бұл ұстарасын менің шашымды алуға қимағанда, енді кімге қияды?! Шашты алып болсын, шашты алып болған соң, оның сазайын тарттырамын!» – деп, шашын алып болған соң, бір жасауылын жіберіп, бас алатын жендетін шақыртып алыш:

– Шаштаразының басын ал! – дегенде, шаштаразы:

– Дат, тақсыр! – деді.

Патша:

– Айт! – деді.

– Айтсам, тақсыр, менің жазығым не, айтып өлтіріңіз! – деді.

Патша:

– Айтсам, екі ұстара әкелдің: алтын сапты, ағаш сапты. Алтын сапты жақсы ұстаранды менің шашымды алуға не себепті қимадың? Жазығың сол! – дегенде:

– Тақсыр, оның себебі қимағаным емес, себебі бар. Себебін айтайдын. Алтын сапты ұстара менікі емес. Оны сіздің өзініздің бас уәзіріңіз беріп, жаңа осында сіздің шашыңызды алуға келе жатқанымда, алдынан қарсы жолығып беріп еді: «Патшаның шашын[а] мына алтын сапты ұстара лайық, осымен ал!» – деп. Мұнда үйіңізге келген соң, сіздің мына жазуыңызды көзім көріп: «Қой, сырын білмеген аттың сиртынан жүрме!» – деген бұрынғылардың макалы да бар еді, – деп, – күнде көзім көріп, қолыма ұстап үйренген өзім ұстарам жақсы болар! – деп, алған себебім сол! – дегенде, патша бір жасауылын жіберіп, уәзірін шақыртып алыш, шаштаразыға:

– Мынаның шашын ал, өз ұстарасымен! – деді.

Шаш алыш болмай-ақ, уәзірдің табанда жаны шығып кетілті. Онан кейін патша бағанағы ақыл сатушыны өзіне бас уәзір қылышты. Тағы да патша бір күні шаһар арапап жүрсе, базарда нан сатушы біреудің нанын талап, таласып алыш жатады. Патша да бір нанын алыш дәмін татып көрсе, наны ете тәтті екен. Патша оған айтады:

– Сен маған үйінді көрсет. Сенен күнде нан алыш тұрайын, – деді. Ол үйіне патшаны ертіп барып, тамак жайын арапатып көрсетіп, енді бір үйге алыш барса, үйдің іші толған адам, бәрі темір көгеммен көгенделіп жатқан. Патшаны да бірге көгендеп салады.

Патша жоғалады. Уақытында үйіне бармайды. Патшаның жоғалғанын ешкімге сездірмейді. Ақылды уәзірі өзіне белгілі ақылы бар: «Артын ойлап іс қылу керек», – деп, ешкімге сездірмеген, артын ойлап іс қылуды ойлаған.

Күнде біреуін сойып, майына нан пісіріп, базарға сатады. Бір күн патшаны союға кезек келеді. Патша жалынып айтады:

– Сен мені сойма, мен саған наң сатқан пайдаңнан артық пайда келтірейін – дейді. – Маған кілем токитын құрал тауып бер! – деген соң, басқа бір биік үйге, оңаша кілем токуға қояды. Патша кілемін токып бітіреді: өзіне белгілі ақылды қоса токып.

– Ақыл белгілі ойлап, іс қылу басқаның, әлі келмейді. Осы шаһардың патшасына сат, мың ділдадан кемігс берме! – деп айтып жібереді.

Айтқанында, дәл сатып келеді. Бағанағы бас уәзірі, ақылды уәзірі біледі: патшаның тірі екенін, мынаның білестіндігін сезеді де, бұған айтады:

– Үйінде енді осындағы кілемің бар ма? Бар болса тағы аламын! – дейді.

– Бар – деген.

– Ендеше скі есе артық бағага аламын, үйінді көрсет! – деп, бір жасауылын қосып жібереді. Артынан жансызың үш жасауылын жіберіп, оның соңынан өзі он жігітпен барып тінтіп қарап, патшаны, басқа көгендеулі адамдардың бәрін тірі тауып, тұтқыннан босатып алады. Патшамен көрісп жыласып жатыр. Мана жоғарыда патша жоғалған күнде ақылды уәзірі патшаның жоғалғанын жарияламаган, көпшіліккес сездірмеген, артын ойлап іс қылуды ойлаған.

Өлгі кісі өлтіріп, кісі етін сатып пайдаланушыны мойнына темір шыныжыр тағып сүйретіп өлтіріпті.

Екі патшаның білместігі

Біреуі Мысыр, біреуі Бағдат, Басра шаһарында болатындығы бар. Сөз басы Мысыр шаһарының патшасы бір күні өзінің қол астындағы халқын жиып алып, сахара майдан жеріне сейілге шығып, шаттанып отырғанда, барлық халқынан, жолдастарынан сұрайды:

– Жасырмай айтындар: өз тұсында дүниес жүзінде менен аскан көрікті, ақылды, данышпан адам бар ма? Көрген, білгендерің бар ма? Егер бар болса, менен қорықпай, ұялмай, жасырмай айтындар! – дейді.

Дегенмен кейін көптін ішінде бір жігіт адам айтады:

– Маған айтты деп ренжімесеніз, қаһар қылмасаңыз, мен бір адам көрдім. Ол он қабат артық. Ақыл да, көрік те, мінез де, инабат та, ғылым да, мал да, ой да, бой да – бәрі де сізден артық! – дегенде, патша айтқан жігітке қаһар етіп:

– Сол айтқан патшанды тауып алып кел. Әйтпесе басынды ала-мын! – деп, қаһар етеді.

Бұл жігіттің айтқан патшасы Басра шаһарының патшасы еді. Бұл жігіт патшадан мәулест сұрап, Басра шаһарының өзі көрген патшасының шаһарына барып жетіп, патшаның [үйіне] қалжыраС жетіп, есігіне барып, қақпасын қақкан соң, есігін ашады, үйіне кіргізе-

ді. Кіріп, патшаның алдына келген соң, патшаның алдына жығылып, талып, ессіз болып, бірнеше күн жатады. Патша данышпан адам болғандықтан: «Бұл жігіт алыс жерден келген адам. Мұнда бір сыр бар шығар!» – деп, бірнеше тынықканша күтіп, сыйлап, өзіне келтіреді. Бірнеше уақыттан кейін өзіне келген соң, жөнін, жайын сұрап, қайдан келген, қайда баратынын, жұмысын сұрап біледі. Жігіт бастан-аяқ келген, жүрген, көрген әңгімесін айтады, патшаны іздең келгенін айтады. Егер бұл патша ана патшага көрініске бармаса, жігіт өлеңіндігін айтты. Патша жігіттің, бармаса, өлеңіндігін ойладап, амалсызы бармақ болады. Жол жабдығын ынғайлап, үйінен, шаһарынан бір қонақтық жерге барғаннан кейін:

–Үйімде бір өте қажет, адамға айтпайтын бір нәрсем ұмыт қалыпты, – деп, түн ішінде үйіне қайтып келіп, құзетшілеріне патша екенін білдірмей, көп алтын сыйлап, өз үйіне өзі сөйтіп кіріп барса, төсегінде қатыны мен бір бөтен жігіт бірге жатыр екен. Патша қолындағы қылышпен екеуін бір-ак кесіп өлтіріп, қайгадан жолына келіп, бірнеше күн жол жүріп, Мысыр патшасының үйіне келіп тынығады.

Бірнеше күндер өткеннен кейін екі патша әңгімеге келіп, жолаушы келген Басра шаһарының патшасының ажары күн-күн сайын бәсек тартып, ажары түсіп, жүдеу тартып, уайым-қайғыда болып, курсініп жүдегендік, қөңілінде ауыр қайғысы барлығы біліне бастайды. Екі патша бір күндері қөңілдерін көтеру үшін далалаға сейілге шығады. Екі патша сейілге шығып, шаһар сыртында биік тау бар екен. Тау басына шығып, тау басынан шаһарға көз салып қарап тұрса, патшаның әйелі қырық қызы, қырық жігіт пөкөрімен о да сейілге шығып, шаһар ішінде бау-бакша ішінде гуляйть құрады. Патшаның әйелі ді бір жігітпен гуляйть құрғанын алыстан, тау басынан патша өз көзімен көріп, екі патша бастас болып, екеуінің мұнды бір келіп, екеуі снді түсіп: «Бұйтіп мынаны көріп, мына дүниенің ішінде жүргенше, о дүниені бер!» – деп, құдай жолына түсіп, мал-жанынан безіп, қаңғып келе жатып, бір қалың ағашты бәйтерекке келіп, бәйтеректің түбінде ағып жатқан тұщы мөлдір бұлақ бар екен. Су ішіп, сусындарын қандырып, дамылдап отырганда, бір айдаһар жылан келеді. Екі патша айдаһардан корқып, бәйтеректің басына шығып панарайды. Біраздан кейін айдаһар жөніне кетеді. Енді аздан соң, бір дәу келеді. Арқасында арқалаған алтын әбдіресі бар. Екі патша айдаһардан күтүлдым ба деп отырганда, дәүге кез болып, шыбын жандарынан үміттерін үзіп отыра берді. Дәу келді де, жоғары-төмен еш нәрседен қауіпсіз ешкайда қараған жоқ. Бұлақтан суды бір-екі үрттап алды да, арқасындағы әбдіренің аузын ашып, ішінен ай мен күндей бір сұлу қызды шығарып алып, ойнағаннан кейін, ұйықтап қалды. Біраздан соң қызы түсіп, бұлақтың басына суға шомылып, жуынып, бұлақтың шетінде отырып, шашын тарап отырса, судың бетінде екі көркем жігіттің сәулесі түсіп тұр.

Кыз көріп, талып қалғандай тамашалап, бұлар қайдан келіп қалған адам дегендей, жан-жағына қараса, бәйтеректің басында екі жігіт отырғанын көріп, қуанып шақырып:

– Екеуің мұнда кел! – деді.

Екі патша :

– Түспейміз! – деп еді, кыз айтты:

– Екеуің түспесең, менің тілегімді орында масаң, қазір екеуінді мұна жатқан дәуге өлтіртемін! – деген соң, жапынан қорықкан соң, екеуі қыздың тілегін амалсыз орындаіды.

Кыз бастан кешкен уақығасын айттып, осы екеуімен тоқсан тоғыз адаммен ойнағанын айтады. Бұл екі жігіт қыздан мұнданай әңгімені естіген соң: «Біздікі асаулық, дәнeme білмегендік екен!» – деп, тәубе қылып, райдан қайтып, үйірін, елін табады. Мұның аяғы қыздың тоқсан тоғыз жігітпен қалай ойнаған әңгімесін естігендерің әңгімеге жарисындар, соған құлактарынды салып тыңдал тұрындар.

Бес тының бақыр және мысық

Бұрын ерте уақытта бір адам: «Адал еңбекпен азға қанағат қып, қалай байиды екен? – деп, адал еңбек қылып, азға қанағат қып байны!» – деп, сол ойының соңына түседі дейді. Өз елінен басқа, өз шаһарынан басқа, бір алыс жерге барып, бір байға жұмыскер болып, жұмыс істеп тұрады. Баймен жалақысына бага сөйлеспей тұрады. «Құдайдың бұйырғанын алармын, адал еңбегінді жемес!» – деп, жыл он сікі ай болып, байдан шықпакшы болып, енбесгін сұрағанда, бай бес тының бақыр ақша береді. «Құдайдың бұйырғаны осы шығар!» – деп алып, бір дарияның шетіне келіп, судан өтпекші болып, киімдерін шешініп, оғып бұғып аудастырып жүргенде, бес тының суға түсіп кетеді. Қайтадан манағы байға келеді де, тағы жұмыс істейді. Еңбегі – баяғы бес тынын. Осы тәртіппен үш рет бастапқы тәжірибе болады. Арада үш жыл өтеді. Қайтуы бір жыл, баруы бір жыл, арада бес жыл өткеннен кейін, өзінің еліне, жеріне қайтып келе жатса, бір адам жолында жолығады. Қойнына тығып алып келе жатқан қара мысығы бар жігіт. Мысық иесіне:

– Мысығынды сатамысың? – деп сұрады.

Мысық иесі:

– Сатамын – деді.

– Бағасы не? – дегендे,

– Бойында не пұлның бар, соған беремін, – деді.

– Бойымдағы бес тының бақыр, мә! – деп, алып берді.

Азынған жоқ, алып кете берді. Бұл жігіт мысығын алып, қойнына тығып алып, өз жөніне жүріп, аман-есен еліне келеді. Келсе, елінде бір аждаға пайда болған. Көзіне көрінген нәрсені жұтып, харап қылады.

Оған уақытында көрген адамдардың қолынаи келетін жұмысы – қашып құтылу, тілеген іэрсесін берісу болған. Бір күндерде харап қылып қырысу, жұ қара мысықты баланың шаһарына кездесіп, бала мен қара мысыққа ұшырасады. Қара мысық бір хайлалармен аждаһаны өлтіреді. Қара мысықтың даңқы барлық ел халқына түгел жайылып білінеді. Шаһардың патшасы балаға:

– Мысығынды сат, маған бер, – дейді.

Бала:

– Сатамын. Үш шартым бар, соны орындасаң, сатамын да, беремін! – дейді. – Бір шартым – қызыңды бер! Бір шартым – өз ауырлығыңдай алтын бер. Бір шартым – өз отырған сарайыңдай сарай салғызып бер де, ал! – деген.

Патша бәрін де орындалап, алады. Бала бай болады. Тоғыз мың ділда тоғыз сиыр болып, бір атқа айырбасталады. Ат бір тымаққа айырбасталады. Тымақты суға ағызып жіберіп, онан кейін байбатшамен серттесіп, оның барлық малын алышп, адал еңбекпен толық байып шығады.

Патша қызы және тазша

Бір патша қасында уәзірлерімен бір мәжілісте отырғаңда, үстерінен екі қаз қаңқылдан ұшып өтіп кетеді. Патша уәзірлерінен:

– Анау қаздар не деп барады, білдіндер ме? – деп сұрады.

Уәзірлер:

– Білгеніміз жоқ. Құстың тілін қайдан білсайік? – деді.

– Осыны табыңдар. Таппасандар, бастарыңды аламын! – деді.

Уәзірлер мыстан кемпірден сұрап, мыстан кемпір: «Патшаның езінің кіші қызы табады», – деп, сонаң кейін кіші қыздан сұрап, ол айтып беріп, сонаң сол қызын сол шаһардағы ең жаман басы таз тазша балаға беріп, әуелі қыз тазшаның басын жазып, бір шәлі тоқып беріп, саудага жіберіп, ол шәліні сатып, ақшасына бес лакты ешкі алышп: «Есі кеткен ешкі жияды, // Ешкіменен есін жияды» – деп еді деп, ешкіні сиырға айырбастап, сиырды атқа айырбастап, атты тымаққа айырбастап, тымақты суға жіберіп, байбатшамен серттесіпти. Серттен жеңіп, барлық малын алышп, бай болады. Әбден байып алғанин кейін, баяғы патшаны қонаққа шақырады. Қыздың экесі қонакқа келіп, тамақтардың дәмін татып жеп көріп, жылайды.

– Неге жыладыңыз? – дегенде, патша кіші қызын айтып:

– Сол қызымен кеткелі бір тамак аузыма татыман татағым осы болды. Сол балам есіме түсіп жылаймын! – дегенде, тазша күйсүі екендігі[и], [тамақ жасаушы оның] қызы екендігін айтқан скен. Сонаң кейін патша орынана хан сайлап, ақырында тазша патша болады.

Қонақтың ақылы

Ертеде бір хан болыпты. Ханның үйіне бір қонақ келіп қонады. Хан қонағына:

– Жақсы мейманым, әңгіме айт! – дейді.

Онда мейманы айтады:

– Әңгіме айт десеніз, айтамын ғой. Бірақ айтқан әңгімемнің бір аузызына бір ділдан беретін болсаңыз, айтам, – дейді. Хан ойланып отырады:

– Япыр-ай, айтқан сөздің бір аузызына бір ділдан бересем, мұнымен көп ақшам шығады. Екіден, айтқан сөздің бәрі бір ділдан болатын кандай сөз болады? – деп ойланады да, – Кәне, айтшы сөзінді. – дегенде, мейман айтады:

– Не жұмыс істесең, артын ойлап істе! – дейді.

Хан бір ділдаға сатып алғып, осы сөзін өзінің үйінің ішіндегі барлық нәрселеріне жазып қояды. Үйдің ішінде, тысында, орамал, дастарханда, – үй ішінің барлық нәрсесіне жазып қояды ұмытпау үшін. Ханның қан алатын дәрігері болады. Өзінің бірден соңғы уәзірін жібереді.

– Барып дәрігерді шақырып кел! – деп.

Уәзірі шақыра келіп, дәрігердікіне қонақ болып қонады. Түнде төсекке жатып, жайланып жатқан соң, уәзірі дәрігерге әңгімелесіп айтады:

– Мен сенімен дұрыс боламын. Сен менің айтқанымды қыламысып? Сен менің айтқанымды істесен, менімен дос болсан, мен ханның орнына хан боламын. Сен менің орныма уәзір боласың. Сен көп ойланғанды қой, менің айтқанымды істесең болды, – дейді.

Дәрігер көп ойланып тұрады да, амалсыз уәзірден қорыққанынан:

– Айтқаныңызды істейін, – дейді.

– Айтқанымды істесең, ертең шашын алған болып, ханды өлтір есебін тауып. Егерде осы менің айтқанымды орында масаң, сені мен өлтіремін! – деген соң, амалы бар ма, ханды өлтірмек болып, уәдесін береді. Бірақ та уәзірге айтады:

– Мен өлтіргендеге, қалай өлтіретін әдісін өзің тап, – дейді.

– Мен өзім тапсам, мен[ін] ұстара ма у жағып сенің қолыңа беремін. Сен сонымен канын алсан, хан өледі.

Уәзірмен уәдені бекітіп, ханның қасына келіп, қанын алмақ болып, ханның үй ішіндегі нәрселеріне көзі түсіп еді. Барлық нәрселерінде жазылған: «Не істесең, артын ойлап істе!» – деген жазуга көзі түсіп, мұнан ғибрат алғып: «Мен де не істесем, артын ойлап істеуім керек екен!» – деген ойға түсіп, ойланады. Колындағы у жағылған уәзірдің ұстарасын былай қояды да, бұрынғы өзінің ұстарасын алғып, қанды сонымен алмақшы болады. Хан мұның бәрін көріп отыр, ана уәзірдің ұстарасын былай қойып, өзінің ұстарасын алғанына хан сезіктеніп:

— Анау ұстараны неге былай койдың? — деп, хан тексеріп сұрады. — Сенің ұстараң бұрын біреу болушы еді. Бүгін неге екеу болды? Себебі не? — деп, қазбалап сұрай бастайды. Олай-бұлай жалтақтап, киқақтап, кипақтап еді, хан айтты:

— Шынынды айтсаң, құтылдың, өтірік айтсаң, тұтылдың! Береке шында емес пе? Өтіріктің құйрығы бір-ак тұтам. «Акқа қара жок, // Қараға шара жоқ!» — деген, — деп, сөзден ұтып, апшысын куырып, кол-аяғын бір-ак уыс қылып, жаллатларын (жендеттерін) шақыртып алып:

— Шынын айтпады, мынаны дарға тартындар! — дегенде, дәрігер ойланып:

— Тақсыр хан, аз ғана аял берсеңіз, айттайын шынымды. Айтпасыма болмады, — деп, бастан уәзірдің айтқан жұмысының бәрін айттып бергенде, хан мұның ықтиярызың қорыққанынан істегеніне көзі жетіп, мұны босатады да, уәзірді дарға тартқызып өлтіреді. Дәрігерді уәзірдің орнына уәзір қойыпты.

Ханиң өлмеуіне, мынаның өлтірмейіне себеп болған: «Не істесен, артын ойлап істе!», — деген жазудың көзге түскен себебінен болғандай болады. Шықпас жанға аз бір айла, ажалсызға бір себеп болмақ.

Ер Төстік

Ертеде бір Мұтышақ деген бай болыпты. Оның 8 еркек баласы болыпты. Жылқы малы өте көп болып, жерге сыймайтын қалың болады. Бір жыл қыс қатты, жыл ауыр болғандықтан, жылқының конысы басқа алыс жер, жат елдерге кететін болғандықтан, сегіз үл жылқымен басқа алыс жерге кететін болып, әке-шешесіне соғымына үш жылғы қара ту биені сойып беріп кетіпті. Кемпір-шал қара биенің етін үш жыл өтемге жеткізіп, үнемдеп жейді. Казы-карта, жал-жаяларын үнемдеп жеп тауысып, ең соңында қара биенің төс еті қалады.

Мұтышақ бай байбішесіне айтады:

— Осы төстен басқа қара биенің етінен балаларға ариап сақтаған сыбағамыз жоқ. Осы төс етті балаларға ариап сақтайык! — десе де, байбіше төс етке қызығып, жеріп, сыптырып-снырып жеп койыпты.

Сонан кейін еркек бала тауып, атын төстікке жеріп тапкандықтан, Ер Төстік қояды. Бұл бала туғаннан-ақ ерекшеге ер бала болып туады. Өзі құрбы балалардан жаратылысы құшті, қуаты өзгеше артық болып балалар ойнап жүріп, ұрыс-тобелес, жанжал болатын болса, Ер Төстік балалардың біреулерін бастан ұрып, біреулерін көттен теуіп, біреулерін шалқасынан, біреулерін етпетінен (екпесінен) түсіріп, біреуінің қақ шекесін, біреуінің мұрның қанатын, ең болмаса, асып-сасынқырап жылдамдататын болса, екі баланы екі колымен ұстап алып, екеуінің басын біріне-бірін сүзістіріп [жүріпті]. Ер Төстік баланың бұл сиякты